



Broj: 06-14-10499-6/17
Sarajevo, 12.04.2017. godine

Na osnovu čl. 64. stav 1. tačka (b), 70. st. 1, 3. i 6. Zakona o javnim nabavkama („Službeni glasnik BiH“, broj 39/14), člana 1. stav 1. tačka (a) pod (2) Pravilnika sa popisom ugovornih organa po kategorijama koji su obavezni primjenjivati Zakon o javnim nabavkama („Službeni glasnik BiH“, broj 21/15), člana 8. stav 2 tačka (f) Pravilnika o uspostavljanju i radu komisije za nabavke („Službeni glasnik BiH“, broj 103/14), člana 46. Pravilnika o javnim nabavkama Ministarstva za boračka pitanja Kantona Sarajevo broj: 06-02-2257/16 od 21.01.2016. godine na preporuku Komisije za javne nabavke broj: 06-14-10499-4/17 od 11.04.2017.godine, u postupku javne nabavke: nabavka i isporuka ogrijeva za socijalno najugroženije pripadnike boračke populacije Kantona Sarajevo za 2017. godinu - uz primjenu E-aukcije u skladu sa Pravilnikom o uslovima i načinu korištenja E-aukcije („Službeni glasnik BiH“, broj 66/16), Odluke o pokretanju postupka javne nabavke broj 06-14-10499/17 od 13.03.2017. godine, obavještenje o nabavci objavljeno na Portalu javnih nabavki pod brojem: 920-1-1-9-3-25/17 dana 13.03.2017. godine i u „Službenom glasniku BiH“, Tenderska dokumentacija objavljena na Portalu javnih nabavki dana 13.03.2017. godine, Ministar za boračka pitanja Kantona Sarajevo donosi

O D L U K U

o izboru najpovoljnijeg ponuđača za javnu nabavku:
Nabavka i isporuka ogrijeva za socijalno najugroženije pripadnike boračke populacije
Kantona Sarajevo za 2017. godinu
Otvoreni postupak uz primjenu E-aukcije
JRJN: 03413000-8 Drvo za ogrijev

Član 1.

Prihvata se preporuka Komisije za javne nabavke broj: 06-14-10499-4/17 od 11.04.2017. godine i ugovor za javnu nabavku: nabavka i isporuka ogrijeva za socijalno najugroženije pripadnike boračke populacije Kantona Sarajevo za 2017. godinu dodjeljuje se ponuđaču „DRVOSJEČA“ d.o.o. Sarajevo, ponuda broj: 06-14-14304/17 za ponuđenu cijenu od 236.259,00 KM bez PDV-a, odnosno 276.450,00 KM sa PDV-om za ukupno 2850 prm ogrijevnog drveta za pripadnike boračke populacije Kantona Sarajevo za 2017. godinu. Jedinična cijena bez PDV-a po prm ogrijevnog drveta je 82,90 KM.

Član 2.

Prijedlog ugovora o nabavci dostavit će se na potpis izabranom ponuđaču „Drvosječa“ d.o.o. Sarajevo po protoku roka od 15 dana, računajući od dana od kada su ponuđači obaviješteni o izboru najpovoljnijeg ponuđača.





Član 3.

Za izvršenje ove Odluke zadužuje se i ovlašćuje sektor za boračko invalidsku zaštitu u saradnji sa sektorom za ekonomske poslove i projekte Ministarstva za boračka pitanja Kantona Sarajevo.

Član 4.

Ova Odluka objavit će se na web-stranici Ministarstva za boračka pitanja Kantona Sarajevo - mbp@ks.gov.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

Član 5.

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama BiH.

O b r a z l o ž e n j e

Komisija za javne nabavke imenovana Odlukom ministra za boračka pitanja Kantona Sarajevo broj: 06-14-1989/17 od 24.01.2017. godine pregledanjem i ocjenom ponuda na dva održana sastanka utvrdila je slijedeće:

Blagovremena ponuda za koju je ponuđač tendersku dokumentaciju preuzeo putem Portala javnih nabavki je:

1. Drvosječa d.o.o. Sarajevo, vrijednost ponude 236.250,00 KM bez PDV-a, odnosno 276.450,00 KM sa PDV-om;

Ponude ponuđača MIRA MAR d.o.o. Foča i S.R.C.A. Olovo su blagovremene, ali neće učestvovati u postupku iz razloga što ponuđači tendersku dokumentaciju nisu preuzeli putem Portala javnih nabavki.

Uvidom u ponudu broj 11/17 – zaprimljenu pod brojem: 06-14-14304/17 ponuđača „Drvosječa“ d.o.o. Sarajevo utvrđeno je slijedeće:

Po javnom pozivu blagovremeno i na propisani način zaprimljena je samo jedna ponuda ponuđača Drvosječa d.o.o. Sarajevo. sa ukupnim iznosom od 236.265,00 KM bez PDV-a.

Dvije ponude: MIRA MAR d.o.o. Foča i S.R.C.A. d.o.o. Sarajevo; koje su takođe blagovremeno zaprimljene putem pisarne, nisu dostavljene u skladu sa utvrđenom procedurom, odnosno ponuđači nisu preuzeli tendersku dokumentaciju putem Portala javnih nabavki, već samo izmjene tenderske dokumentacije, a što je vidljivo iz Izvještaja Agencije za javne nabavke BiH, te samim tim navedeni ponuđači ne mogu učestvovati u ovom otvorenom postupku, a kako je propisano tačkom 8.2 tenderske dokumentacije.

Ponude su ponuđačima vraćene neotvorene putem pošte na adresu sa ponude.

Ponuda ponuđača Drvosječa d.o.o. Sarajevo je otvorena u predviđeno vrijeme uz prisustvo delegiranih lica dva ponuđača, Džinović Azem iz firme Drvosječa d.o.o. Sarajevo i Durić Aida iz firme S.R.C.A. d.o.o. Sarajevo i tom prilikom je konstatovano da je ukuona ponuđena cijena u ponudi 236.265,00 KM bez PDV-a (jedinična cijena ppm 82,90 KM), a što je više od



web: <http://mbp.ks.gov.ba>

e-mail: minbopi@ks.gov.ba;

Tel: + 387 (0) 33 562-012, Fax: + 387 (0) 33 562-251

Sarajevo, Reisa Džemaludina Čauševića 1





procijenjene vrijednosti nabavke navedene Planom javnih nabavki, Odlukom o pokretanju, obavještenjem o nabavci i drugim dokumentima, koja je navedena u iznosu od 213.000 KM.

Komisija je izvršila pregled ponude Ponuđača Drvosječa d.o.o. Sarajevo i konstatovala da ista u potpunosti ispunjava uslove postavljen objavljenim tenderom, odnosno tenderskom dokumentacijom, ali da vrijednost ponude premašuje procijenjenu vrijednost za 23.265,00 KM, odnosno 10,92%.

Komisija je upoznala ministra, kao predstavnika ugovornog organa, da je shodno članu 69. stav 2) pod e) Ugovorni organ obavezan poništiti postupak javne nabavke u slučaju da: „cijene svih prihvatljivih ponuda znatno su veće od osiguranih sredstava za predmetnu nabavku“.

Istaknuto je da ne postoji jasno definisano šta se smatra „znatno veće“, odnosno da sud o istom donosi ugovorni organ.

Takođe konstatovano je da je Ugovorni organ procijenjenu vrijednost i druge elemente (predviđeni broj korisnika) utvrdio na osnovu okvirnih sredstava koje je predvidio za ovu namjenu i jediničnih cijena iz prethodnog perioda. Sredstva za predmetnu nabavku su osigurana na budžetskoj poziciji Ugovornog organa 614200 Tekući transferi pojedincima DAM003 Jednokratne novčane pomoći pojedincima, udruženjima i druge pomoći (ogrjev, prehrambeni artikli, infrastrukturni priključci i dr.), na kojoj je planirano ukupno 1.700.000KM.

Sredstva na ovoj poziciji su interno okvirno raspoređena na aktivnosti ministarstva u okviru kojih i dva postupka javne nabavke za koje je planirano ukupno 450.000 KM, dok se preostala sredstva raspoređuju za ostale namjene i unutar njih postoji rezerva iz koje se može kompenzirati veća vrijednost ponude po objavljenim tenderima.

Tačkom 2.1. Tenderske dokumentacije „Predmet javnog nadmetanja“ je navedena količina ogrjevnog drveta po jednom korisniku, kao i da će broj korisnika donacije u ogrijevu zavisiti od ponuđene cijene. U Obrascu za cijenu ponude – robe (Aneks 1) je takođe navedeno da je ukupna količina procijenjena na osnovu planiranih sredstava i ponuđene cijene iz prethodnog perioda te je moguće odstupanje u zavisnosti od ponuđene cijene, te da broj korisnika može varirati u zavisnosti od ponuđene cijene.

I u Nacrtu Ugovora o nabavci i isporuci ogrijeva za socijalno najugroženije pripadnike boračke populacije Kantona Sarajevo za 2017. godinu je u članu 4. navedeno „Ugovorni organ zadržava pravo da umanjí izraženu ukupnu vrijednost Ugovora ukoliko se isti bude morao smanjiti zbog nedovoljnog priliva sredstava u Budžetu Kantona Sarajevo za 2017.godinu ili iz drugih opravdanih razloga, a što cijeni Ugovorni organ.“

Shodno navedenom Ministarstvo može zadržati ukupni utrošak sredstava u okviru predviđenih sredstava za 2017. godinu uz smanjenje broja korisnika, odnosno neće doći do stvaranja obaveze preko visine odobrenih budžetskih sredstava.

Ministarstvo za boračka pitanja Kantona Sarajevo je transparentno provelo otvoreni postupak sa dovoljno dugim rokom za prijavu, kako bi se omogućilo svim potencijalnim ponuđačima da apliciraju (25 dana u periodu 13.03.-07.04.2017. godine), što uz činjenicu da je na ovaj tender i u prethodnom periodu aplicirao mali broj ponuđača, pokazatelj da je u ovom slučaju Ministarstvo osiguralo pravičnu i aktivnu konkurenciju, s ciljem najefikasnijeg korištenja javnih sredstava u vezi s predmetom nabavke i njegovom svrhom.



web: <http://mbp.ks.gov.ba>

e-mail: minbopi@ks.gov.ba;

Tel: + 387 (0) 33 562-012, Fax: + 387 (0) 33 562-251

Sarajevo, Reisa Džemaludina Čauševića 1





Konstatuje se i da su korisnici pomoći ugrožena lica iz boračkih kategorija, te odgađanje realizacije ugovora ne ide u korist ovih lica tim prije što ne postoje pokazatelji koju ukazuju da bi se u ponovljenom postupku dobile povoljnije ponude.

Shodno svemu navedenom, a uz konsultaciju sa ministrom za boračka pitanja, kao predstavnikom ugovornog organa, Komisija je dala preporuku da se prihvati ponuda ponuđača Drvosječa d.o.o. Sarajevo, odnosno donese odgovarajuća odluka i nastavi sa procedurom potpisivanja ugovora.

Za navedenu javnu nabavku planirano je provođenje E-aukcije u skladu sa Pravilnikom o uslovima i načinu korištenja E-aukcijue („Službeni glasnik BiH, broj 66/16), međutim pošto je pristigla samo jedna ponuda koja je iz gore navedenih razloga prihvatljiva, E-aukcija neće biti provedena već se prihvata ponudena cijena u ponudi.

Prema zapisnicima, preporuci i izvještaju dostavljenom od strane Komisije za javne nabavke ocijenjeno je da je postupak blagovremeno proveden, te da je izbor ponuđača „**Drvosječa**“ **d.o.o. Sarajevo** izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stav 1. tačka b) Zakona o javnim nabavkama, te člana 46. Pravilnika o javnim nabavkama Ministarstva za boračka pitanja Kantona Sarajevo broj: 06-02-2257/16 od 21.01.2016. godine, odlučeno je kao u članu 1. ove Odluke.

POUKA O PRAVNOM LIJEKU

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se podnosi Ministarstvu za boračka pitanja Kantona Sarajevo u 3 (tri) primjerka.

Dostaviti:

1. Ponuđaču;
2. Evidenciji;
3. a/a.

